

6.2 | LÈS NUKLEO – REFLEKSHON DI PROGRAMA

REFLEKSHON DEN SILENSIO

E reflekshon di e programa ta duna e partisipantenan un oportunidat pa wak bèk riba nan eksperensianan i pa nota kon nan i nan relashon ku otro por a kambia.

Guia e partisipantenan dor di un visualisashon di henter e programa dunando atenshon na momentunan klave, Tepnan di Mayor, Komponentenan Básiko i eksperensianan ku por a surgi:

1. Pidi e partisipantenan pa sera nan wowo i sinta den un posishon kómodo.
2. Pidi nan pa kòrda kon nan bida i relashonnan tabata ora bo a bishitá nan na nan kas promé ku e programa a kuminsá.
3. Guia partisipantenan den kada seshon segun ku bo ta deskribí konstrukshon di e Kas di Sosten:
 - a. Pone Metanan Positivo, Realístiko i Spesífiko
 - b. Pasando Tempü Abo ku bo Yu
 - c. Dunando Elogio i Instrukshonnan Positivo
 - d. Establesiendo Reglanan i Rutinanan di Kas
 - e. Usando Disiplina Positivo (Redirigí i Konsekuensianan)
 - f. Solushonando Problemanan Huntu Komo Famia
4. Pidi e partisipantenan pa pensa riba nan eksperensianan di wak e vidionan, papia di tepnan durante seshonnan, i praktiká abilidatnan ku otro na kas.
5. Pidi nan pa pensa riba si nan a alkansá nan metanan pa nan mes i pa nan relashonnan ku nan yunan òf si esaki nan a kambia.



6. Puntra nan pa pensa kon nan a kambia, kon nan yunan a kambia i kon nan famianan a kambia.
7. Bo por hasi e siguiente preguntanan:
 1. Kon útil bo a haña e programa Mayor Konektà?
 2. Kon diferente bo relashon ku bo yu ta for di promé ku bo a kuminsá ku e programa?
 3. Kua ta e abilidatnan òf kosnan prinsipal ku bo a siña for di e programa? Kon esaki nan ta diferente for di e manera ku bo tabata relashoná ku bo yu ántes?
 4. Kon e abilidatnan akí lo yuda abo/bo yu desaroyá komo ser humano?
 5. Kiko bo ta kere ta e konsekuensianan òf benefisionan a largu plaso di e abilidatnan akí?
 6. Bo ta mira bo mes ta sigui usa nan?
 7. Ki tipo di sosten bo mester pa sigui usa nan?
8. Pidi e partisipantenan pa habri nan wowo.

AKTIVIDAT DI ARTE

Despues di e refleho, parti papel i kosnan pa klùr pa e aktivitat di arte. Pidi e partisipantenan pa pinta algu ku ta relashoná ku algun di e siguiente preguntanan:

1. Kon nan relashon ku nan yu tabata promé ku e programa?
2. Kon e relashon a kambia? Kon nan a kambia? Nan yu? Nan famia?
3. Kiko tabata e kos mas importante/importante ku nan a siña? Dikon esaki tabata importante?

Partisipantenan ta kompartí nan pinturanan den pareha i despues komo un grupo mas grandi.

Despues ku kada partisipante a kompartí, nan ta pone nan pintura meimei di e sírkulo komo si fuera nan ta duna un ofrenda na un kandela komun den e Kas di Sosten.

Tene na kuenta: Pèrmití kada partisipante pa kompartí pero purba di tene e kompartimentu kòrtiku (1-2 minüt kada un). Abo tambe por traha un pintura i kompartí esaki!